

爾雅義疏
釋言
三冊

爾雅郭注義疏上之二

棲霞郝懿行學

釋言第二

言者說文云直言曰言釋名云言宜也宜彼此之意也言與詁異詁之爲言古也博

舉古人之語而以今語釋之也言之爲言衍也約取常行之字而以異義釋之也言卽字也釋言卽解字也古以一字爲一言此篇所釋皆單文起義多不過二三言與釋詁之篇動連十餘文而爲一義者殊焉故次釋言

殷齊中也

書曰以殷仲春釋地曰岷齊州以南

上篇首言始末言終此篇首言中亦末言終蓋以中統始終之義而包上下之詞也中者玉篇云半也半者適均故考工記弓人注中猶均也均者平和故說文云中和也和者在其間故喪服小記注中猶閒也

儒行注中中閒中則正正亦長故墨子經上篇云中
同長也是皆以引伸爲義矣殷者周禮大行人云殷
相聘也掌客云殷膳大牢鄭注竝云殷中也書堯典
馬鄭注同廣雅云殷正也正亦中以殷仲秋史記五
帝紀作以正中秋是中正義同中之言衆也居中
應四方有以寡御衆之意故殷又訓衆也盛也大也
多也皆從中正之義而生也通作隱詩殷其雷之殷
音隱如有隱憂韓詩作殷易彖釋文殷京本作隱皆
其證矣齊者平也等也皆也同也又整齊也五者實
一義皆無長短高下之差故爲中也易繫辭集解引
王肅曰齊猶正也正卽中之訓故詩人之齊聖箋訓
齊爲中正書天齊于民馬融注齊中也列子黃帝篇
云不知斯齊國幾千里湯問篇云猶齊州也張湛注
竝云齊中也周穆王篇云四海之齊謂四海之中也
亦齊爲
中之證

斯謠離也

齊陳曰斯
謠見詩

離者玉篇云散也去也兩也判也曲禮云離坐離立
鄭注離兩也廣雅云離分也兩判去散其義皆爲分
也離與蠡音義同方言云蠡分也楚曰蠡秦晉曰離
又與劓同荀子賦篇注攬與劓同攬兮分判貌是矣
斯者說文云析也引詩斧以斯之書有斯明享鄭注
斯析也廣雅云斯分也分析義皆爲離故詩墓門釋
文及正義引孫炎曰斯析之離方言云斯離也齊陳
曰斯是郭所本通作廡廣雅云廡散也史記河渠書
云乃廡二渠以引其河集解引漢書音義云廡分也
又通作廡方言云廡散也又與參同方言云參分也
按參之言三也夜參半卽夜分年矣詔者說文云離
別也周景王作洛陽詔臺按詔臺猶離宮別館也郭
云詔見詩者邢疏引巷伯云哆兮侈兮說文云哆張
口也張開與分離義近又與侈近說文云侈落也落有
離意故吳語云民人離落又與坼近說
文坼裂也廣雅坼分也分落義皆爲離

謬興起也

禮記曰
尸謬

起者說文云能立也釋名云起啓也啓一舉體也禮
孔子閒居注起猶行也史記樂書正義云起動也行
動皆從起義而生也謬者牲牲少牢饋食俱云尸謬
列子黃帝篇云則未嘗見丹而謬操之者也鄭注及
張湛注竝云謬起也通作休少牢饋食及士虞禮注
竝云古文謬或作休又與愔同詩不我能愔傳愔與
也說文愔起也愔謬聲近愔休聲轉其義俱同矣興
者動也作也發也舉也皆起之義也與廡同周禮注
廡興也興
廡聲轉

還復返也

皆迴
返也

返者說文云還也引商書曰祖甲返又引春秋傳作
返通作反儀禮注反還也詩倚墜箋及執競傳竝云
反復也岷箋及說文云反覆也覆復聲同其義亦近
也還者說文云復也越語注反也詩還而不入箋還
行反也通作環又通作旋周旋亦反復之義也復者
說文云往來也又云夏行故道也夏復音義同易雜

卦云復反也詩黃鳥及我行其野箋傳竝同又通作
反特牲饋食禮注今文復爲反蓋反復一聲之轉故
其字通

宣徇徧也

皆周徧也

徧者說文云市也易象傳云莫益之徧辭也虞翻注
徧周匝也俗作通通作辨又作辨廣雅云辨徧也樂
記注辨徧也書徧于羣神史記五帝紀作辨於羣神
鄉飲酒禮衆賓辨有脯醢有司徹云若是以辨鄭注
竝云今文辨皆作徧又轉爲徧玉藻注必先徧嘗之
釋文徧本又作徧徧聲相轉也宣者詩內宣字傳
箋俱訓爲徧逸周書諡法篇云聖善周聞曰宣亦以
宣爲周徧也詩恆之租秬傳恆徧也釋文恆古鄧反
本又作互按互爲恆之古文其義訓竟而音爲古鄧
恆从恆聲恆訓長久皆與周徧義近故其義同矣徇
者徇之段音也說文云徇徧也十日爲徇詩來徇來
宣傳徇徧也通作徇史記五帝紀云幼而徇齊索隱

駟遽傳也

皆傳車駟馬之名

引爾雅以徇爲周徧也徇說文作徇爾雅釋文徇木
又作徇又通作徇釋文徇樊本作徇郭音巡張指宇
詁云徇今巡按說文徇行示也行示與周徧義亦近
故一切經音義一引三蒼云徇徧也左氏桓十二年
傳三巡數之杜預注巡徧也又通作徇下文云徇均
也均徧義同故詩桑柔正義引李巡曰徇徧之均也
說文云傳遽也遽傳也互相訓古以傳遽竝稱故周
禮行人云掌邦國傳遽之小事鄭注傳遽若今時乘
傳騎驛而使者也玉藻云土曰傳遽之臣鄭注傳遽
以車馬給使者也詩江漢釋文以車曰傳以馬曰遽
故左氏僖卅三年傳且使遽告於鄭成五年傳晉侯
以傳召伯宗則知召伯宗必以車告於鄭必以馬矣
蓋傳之爲言轉也以車展轉而期於早達也遽之爲
言急也以馬急促而期於速到也後世驛傳起於此
矣駟者說文云傳也驛置騎也騎跨馬也是驛駟義
別俗或通用故左氏文十六年正義引爾雅作驛傳

又引舍人曰驛尊者之傳也驛皆當作駟釋文反音可證舍人之意蓋據傳云楚子乘駟又云子產乘遽故知尊者乘駟卑者乘遽也左氏昭二年釋文及正義並引孫炎云傳車驛馬也郭注本孫炎今爾雅注驛又誤作駟矣釋文駟而實反郭音義云本或作遽聲類云亦駟字同

蒙荒奄也 奄奄覆也 皆見詩

奄者說文云覆也詩奄有下國奄有龜蒙箋並以為覆通作揜說文揜一曰覆也又通作弁下文云弁蓋也蓋亦覆故廣雅云弁覆也又通作掩文選懷舊賦注引埤蒼曰掩覆也晉語及吳語注並云掩蓋也方言云掩蔓也蔓亦覆蓋之意矣蒙者冢之段音也說文云冢覆也通作蒙詩君子偕老傳蒙覆也按葛生蒙楚蒙棘皆以蒙為覆也又通作幪或作幪說文幪蓋衣也法言吾子篇云然後知夏屋之為幪幪也李執注幪幪蓋覆也又轉為一說文云一覆也按一與冢幪冢幪並字異而義同一蒙又一聲之轉也荒者

與奄竝訓大也大與覆義相成說文云荒艸掩地也
掩卽覆蓋書惟荒度土功詩葛藟荒之毛鄭竝云荒
奄也皇矣及公劉正義引孫炎曰荒大之奄也通作
撫說文云撫覆也詩遂荒大東郭注釋詁引作遂撫
大東禮投壺云母撫母敖大戴禮
作無荒無傲荒撫亦一聲之轉

告謁請也

皆求

請謁告也已見釋詁
告謁又爲請轉相訓

肅嘒聲也

詩曰肅
嘒和鳴

經典言肅嘒者多矣此言其聲耳詩鴻雁傳肅肅羽
聲也揚羽傳肅肅揚羽聲也是皆重文若單文亦爲
聲禮祭義云肅然必有聞乎其容聲史記孝武紀云
神君來則風肅然是皆以肅爲聲也以嘒爲聲者詩
匏有苦葉傳嘒嘒鴈聲和也嘒與
嘒同已詳釋詁嘒嘒音聲和也下

格懷來也

書曰格爾衆庶懷見詩

來格懷至也已見釋詁至卽來故格懷又爲來轉相訓來通作戾戾亦至戾來古音同也格者當作假亦作假竝詳釋詁通作格方言格來也又通作格詩神係是格中庸云神之格思繼衣云則民有格心大學云致知在格物傳注竝云格來也懷者方言云來自關而東或曰懷釋名云懷回也本有去意回來就已也亦言歸也來歸已也詩曷又懷止懷柔百神傳箋竝云懷來也周禮序官懷方氏學記云近者說服而遠者懷之鄭注亦云懷來也詩傳箋及學記注又云懷歸也歸亦來釋詁又云懷止也止亦至至亦來矣

眡底致也

皆見詩傳

致者說文云送詣也詣候至也然則致亦至也至致聲同字亦通矣眡者釋詁云告也玉篇引禮記曰眡於鬼神亦作眡今曲禮作眡於鬼神鄭注眡致也祝告致於鬼神辭也是致告義相成故眡眡訓告又訓

致郭云見詩傳者今毛傳無或當在齊魯韓詩矣底者釋詁云止也止亦致也書乃言底可績史記夏紀作汝言致可績凡禹貢底字夏紀俱作致又數重底席鄭注亦云底致也通作者詩耆定爾功傳耆致也釋文耆毛音指文選報任少卿書注引爾雅郭璞曰底音指蓋郭氏音義之文

侈怙恃也

今江東呼母爲侈

說文云恃賴也詩蓼莪釋文引韓詩云恃負也楚辭注恃怙也恃怙互相訓也侈者說文作埒云恃也廣韻云恃土地也通作侈廣韻引爾雅一云恃事曰侈此蓋爾雅舊注故龍龕手鑑一引爾雅云恃事自侈也荀子非十二子篇云儉然侈然楊倞注侈然恃尊長之貌然則侈之爲言侈也有所憑恃而侈然自多故侈訓汰恃訓賴也郭云今江東呼母爲侈者方言云南楚瀑涯之間謂婦妣曰母侈說文則云江淮之間謂母曰媢是媢侈音義同郭意蓋俗侈以證侈之爲恃取其聲同非侈有母稱也注內侈字蓋傳寫之

譌怙者諡法及詩鵠羽傳竝云怙恃也韓詩云怙賴也賴卽恃之訓故說文依爾雅云怙恃也

律適述也

皆敘述也方俗語耳

述者說文云循也詩日月傳及士喪禮少牢饋食禮注竝云述循也述又脩也脩循述俱一聲之轉通作術詩報我不述釋文述本亦作術文選廣絕交論注引韓詩作報我不術士喪禮注古文述皆作術按術韓詩云法也法與律其義又同矣律者釋詁云常也法也奉爲常法卽述之義故又訓述中庸注及史記律書索隱引釋名竝云律述也周禮典同注律述氣者也廣雅云律率也率循卽述也通作聿律从聿聲說文聿所以書也楚謂之聿吳謂之不律是律聿皆謂筆故釋名云筆述也詩正義引爾雅作聿述也聿卽律矣適者釋詁云自也循也循與自皆述之義也書今民將枉祗適乃文考馬融注適述也詩文王有聲箋同通作曰詩正義引爾雅作曰述也又通作聿詩適追來孝禮器引作聿追來孝適孫炎以爲古述

字讀聿故詩聿修厥德漢書
東平思王字傳作述修厥德

俞番然也

禮記曰男唯女俞
番者應也亦爲然

然者廣雅云膺也又云成也成定亦然諾之意禮大
傳注然如是也祭義注然猶而也按而猶爾也爾之
爲言猶云如是也而聲近唉今順天人謂然爲唉藉
說文云唉膺也又云諛然也方言云欸然也南楚凡
言然者曰欸欸與諛唉並聲義同俞者然之聲也俞
與唯皆膺聲故說文云唯諾也廣雅云唯諾然也內
則云男唯女俞鄭注俞然也凡書曰俞史記五帝福
俱作曰然然俞唯俱聲相轉與吁同方言云諤𦉰瓜
吁𦉰然也郭云皆應聲是吁亦俞矣番者釋文云古
荅字一本作荅玉篇云荅當也當亦對故鄉射禮記
及郊特牲祭義注並云荅對也荅對當俱聲相轉當
訓應也故荅又爲膺膺亦然也通作對詩聽言則荅
新序雜事五及漢書賈
山傳俱作聽言則對

豫臚敘也

皆陳敘也

敘者說文云次第也次第其先後故釋詁云敘緒也
有尚緒可陳述故晉語注敘述也通作序書內敘字
史記俱作序序有更代之義故序又訓更也代也豫
者舒也序也故釋地釋文引春秋元命包云豫之言
序也亦通作序祭義注序或爲豫鄉射禮云豫則鉤
楹內鄭注豫讀如成周宣榭災之榭今文豫爲序是
序豫同豫榭古音又同又通作舒釋詁云舒敘也緒
也書曰豫恆煥若史記宋世家作曰舒常奧若大戴
禮五帝德篇云貴而不豫史記五帝紀作貴而不舒
是舒豫音又同矣臚者玉篇云陳也韋昭注漢書及
釋名竝云臚陳敘也通作攄廣雅云攄舒也史記
司馬相如傳云攄之無窮集解引徐廣曰攄一作臚
臚敘也又通作旅釋詁云旅陳也鄉飲酒及鄉射禮
燕禮大射儀注竝云旅序也士冠禮注古文旅作臚
是臚旅通旅有臚音故周禮司儀
云皆旅攄鄭注旅讀爲鴻臚之臚

庶幾尚也

詩曰不
尚息焉

尚者上也加也有尊高之義故釋詁云尚右也右爲
嘉好之稱故尚又訓慕也願也願慕與庶幾義近故
說文云尚庶幾也本爾雅爲訓也庶者下文云幸也
幾者釋詁云危也危猶近也幾與覲同覲亦幸也然
則庶幾爲近幸之義詩尚無爲尚可載也不尚息焉
儀禮尚饗檀弓云尚行夫子之志乎哉大學云尚亦
有利哉箋注竝云尚庶幾也然庶幾二字亦可單言
如論語云其庶乎左傳云庶有牙乎易月幾望繫辭
云或幾乎息矣義皆爲近近卽尚也故家語
終記篇王肅注尚庶也庶字斷文亦其證矣

觀指示也

國語曰且
觀之兵

釋名云示示也玉篇云示者語也以事告人曰示也
萃嚴經音義上引蒼頡篇云示現也說文云天垂象
見吉凶所以示人也通作視詩視民不忮箋視古示
字也曲禮幼子常視母誑注視今之示字土昏禮記

視諸矜鑒注示之以矜鑒視乃正字今文作示俗誤
行之莊子應帝王及徐无鬼篇釋文竝云示本作視
又通作實周禮朝士注示于叢棘釋文示本或作實
觀者見之示也考工記棗氏云以觀四國莊子大宗
師篇云以觀衆人之耳目釋文竝云觀示也按釋宮
云觀謂之闕亦所以表示於人也釋文觀施音館謝
音官二音俱通矣指者手之示也廣雅及離騷注竝
云指語也語亦示也曲禮云指使使亦示也仲尼燕
居云治國其如指諸掌而已乎
中庸云治國其如示諸掌乎

若惠順也

詩曰惠然肯來

順者釋詁云敘也緒也陳也義皆相成順者不逆也
故釋名云順循也循其理也逆理爲凶順理爲從故
特牲饋食記注順從也順從與慈愛義近故謚法云
慈和徧服曰順孟子注云順愛也通作循大射儀云
以挾順左右隈鄭注今文順爲循又通作慎禮器云
順之至也釋文順亦作慎易繫辭云慎斯術也釋文

慎一本作順皆其證矣若者釋詁云善也善者和順於道德故又訓順詩烝民及闕宮傳禮曾子問及禮器注並云若順也書之欽若及嚮咨若時史記五帝紀若俱作順通作如有司徹注今文若爲如按如若皆相似之言說文如从隨也从隨卽順亦其義也惠者釋詁云愛也惠訓愛與順訓愛同表記云節以壹惠鄭注惠猶善也惠訓善與若訓善又同矣

詩終溫且惠維此惠君傳箋並云惠順也

敖無傲也

禮記曰無無傲慢也

敖者說文云倨也倨不遜也廣雅云傲傷也傷慢亦倨傲也通作敖詩彼交匪敖漢書五行志作匪傲匪傲又通作冢說文云冢嫗也引虞書曰若丹朱妹冢漢書劉向傳作母若丹朱敖今書作無若丹朱傲敖者說文云出游也从出从放按出外放游皆無拘冢之意故又訓傲釋詁云諠浪笑敖戲諠也舍人注敖意舒也詩鹿鳴傳敖遊也廣雅云敖戲也戲遊舒放俱與傲慢義近重文亦然故釋訓云敖敖傲也俗作敖